



圭塘小藁卷之續集

中順大夫知江西南康府事五世孫續編

墓志

先太夫人歸祔志

太夫人姓高氏世家彰德祖諱木剌監衛輝路考諱
榮承事郎萬寧縣尹太夫人幼淑懿祖妣王夫人愛
過其女擇配極慎乃歸先尚書公家故饒田畜而我
素貧安若習焉事姑宋夫人以孝聞周睦姻黨舉無
間言先公為小官間關世途實多內助同官家芬華相
於獨罄簪珥延師買書嘗曰吾教子苟成當富彼百

倍人但勵志安貧濟貨其效應後自見也先公好客
究力營給有佳飲食必蓄以待平生不私一錢聞親
識有私藏者謂子女曰財出夫子私將焉用此慙世
多我不能為汝曹當戒也子女雖愛教不姑息故文
克敬戒子不至辱其先者慈訓有素焉長子有恒治
生於外太夫人總於內先公居家手不釋書迄終身
無纖累一妹適集賢直學士狄文忠南北間關語及
輒流涕因為有恒娶其女尤好施予遠近姻族或養
於家或資以生里巷病窶猶拯焚溺故舊有喪飲食
為廢後有聞率不教告見人憂患汲汲督諸子營其

獲小過必袞衣履瑣屑無躬為之諸子止之曰此
亦人也吾以此消日爾其仁厚慈恕蓋出誠性至於
女工精敏又諸族所希見有壬為兩臺御史封恭人
湯陰縣君左司員外郎進高陽郡君兩淮轉運使加
高陽郡太夫人至順二年五月廿六日棄代于揚州
壽六十有七嗚呼天乎乃至是乎有壬始官南北雖
不在側而改官加封報不間歲尊慈殊慰以為酬音
言矣承乏詹事中議左司員外郎右司郎中又移左
司皆在側也侍先公終正寢襄事居鄂服除有恒忽
去世季有孚入會試而有壬迨赴淮漕叔有儀棄經

寔檢討獨任家事尊意懸百口累不肯出有字受第
歸居家待次乃甚喜有出意即迎至揚有儀棧焉有
壬召參議中書省事具舟將北太夫人鍾愛幼女擇
歸有日臧獲病者十人乃語有壬曰汝妹事吾寤寐
在念北則迂矣且病者留之誰托挈之舟隘暑蒸此
幸屋大宜夏有儀又善事我汝當扈從上京京師屋
艱得汝先往求之別不兩月妹事畢病者復計我至
京扈從適歸事當兩濟况使來三月不亟行恐叵測
時往還諸公亦旦夕使使者賂賂相勉謂堂上起居
康勝處事明當而有壬冒榮不辱遂輕信為去才四

十五日而訃音達上京矣嗚呼天乎果至是乎昔南
臺同官言親年逾七十無兼丁溺官榮違奉養者可
禁指其鄰有仕江西父病念其子而殞者有壬時同
署焉孰謂一旦身當之邪呼天不聞呼地不知知是
而懲而卒罹之豈非冒榮之過邁此大罰乎棺擲衣
衾雖有儀能盡美而有壬為子病不得嘗藥終不得
視舉尚名為入邪古人謂勿之有悔如有壬之悔非
死不能已也有壬及事祖妣夫人獲奉考終後廿年
父兄繼失荼毒雖極而夙夜堂上身心有屬今仰而
望之無一人在上矣追念配德寔四十五年生五子

二女有恒大理軍民總管府知事繩繩天長女適編
脩官趙彞將同入京先廿五日卒病其基此乎幼安
貞將歸人者後廿四日卒天禍我家何其酷也孫男
二寶山燕山女四明年五月十六日祔安陽武官原
先公之墓初太夫人妣武氏若外祖考諱清外祖妣
石氏皆老吾家萬寧公無子沒海南求其柩歸俱塋
江夏治命當及鄉里謹奉而襄事焉敢述先德且聲
不孝之罪傳為子孫戒焉嗚呼痛哉天地有窮而此
恨無窮也

亡元大理知事公志

公諱有恒字可父彰德湯陰人曾祖諱信祖諱毅贈
亞中大夫彰德路總管輕車都尉高陽郡侯祖妣宋
氏高陽郡夫人考諱熙載從事郎會福院照磨兼管
勾承發架閣庫贈嘉議大夫禮部尚書上輕車都尉
高陽郡侯妣高氏封高陽郡太夫人先公為貧任祿
入甚微廉淡樂道不知治生公幼從至鄂種學緝文
通蒙古書未冠即奮勵任家事橋貸廢居備水陸艱
苦當途薦茂材除大寧路學正擢大理路軍民總管
府知事驛符倍勅至公謂遠出不能為榮不若治生
以為養也由是不復留意於聲名矣先公之喪哀毀

踰禮去大祥二日卒于鄂天曆己巳二月二日也疾
革曰我才四十五數何短邪事母再一二十年不為
多也今不得事母矣嗚呼痛哉先公年甫強仕即得
公力遂斷家事每當赴調公輒代行山川崎嶇旅食
蕭索不知也佐湖廣省理幕再至鄂公習風土便薪
米因葺居焉有壬應舉歷官奔走無寧歲仰事之重
非公不能出也先塋裏事侍太夫人居鄂困庾之積
鮭菜之微莫不有備己巳庚午之荒一門老幼賴以
無餒公氣和而中剛斟酌世故曲折詳盡儉於自奉
而豐於親朋早夜克勤內外秩秩娶李氏先卒一女

小茶靜慧絕異繼狄氏集賢其學士文忠女無子先公
嘗令養弟有儀子寶山公既卒太夫人遂命後之初
有壬登第季有字方學公曰汝能繼兄當作雙桂堂
有字果登至順庚午上第有壬為兩淮轉運使遂參
議中書省事加恩二代皆公之願惜不及見也我輩
德公自穎來相積善未享先公太夫人承以碩德乃
五子二女公其長也在親左右之日校有壬為多古
人生願為先之意蓋有契焉顧奔走四方廢溫清定
省萬鍾千駟果何有哉公之遠此天厚之也然以孝
友天至而不及子職使太夫人高年反服又若天之

甚薄者天可問乎使公壽考則一門老幼可坐而無
慮吾兄弟放浪四方可無內顧之憂而公之所以成
就者可勝言哉公為子而能子齊家而家齊視食焉
忘人之事者有間矣人之生世不獨官可行志也天
降酷罰太夫人奄逝以至順三年五月十六日祔安
陽武官原先塋公從焉懼其善之泯也悲痛輟泣而
忘之蓋至哀不復文也

亡室高陽郡夫人趙氏志

亡妻趙氏諱定永平樂亭人其先在金累世擢科號
進士趙家曰充者登大定廿五年第終盧龍縣尹子

震至寧間及第蔚州軍判軍判之孫兼善倜儻不羈日
本之役諸兄為省僚慨然從行大風舟敗冒白刃掠兄
出掾憲司行者與長官齟齬輒棄去為景州教授而卒
嘗曰吾力學為校職使人稱先生是不墜先業志願
畢矣介直嗜酒嫉佞若仇故所遇不合娶戴氏生夫
人端靜柔懿舉族異之嘗有象過門鄰鄰空屋燕垣
諸女郎僵走邀看夫人才十三竟不一出時大家以
詩禮名者聞之為其子求昏先生曰吾與世偃蹇栖
栖獨三女而此女最賢且術者言當郡國封若世舉
大君子未可知也其家志而謝之有壬未昏走四方

辟山北憲使庸齋劉公有人倫鑑與先生厚一二招
飲賀曰府尊屢書為君擇昏君之昏未易擇也今真
得矣毋憚不告此寔府尊意不可失而此昏尤不可
失也先生亦欣然曰吾得婿矣况庸齋媒世無有也
好言遂合皇慶癸丑五月乃歸於我每以未見舅姑
為恨南臺觀省有日而督召復北夫人至垂泣真意
有不可揜者先公太夫人入京始得行婦禮女工復
盡巧緻太夫人稱善事馬平居服泮補藥一縑不自
用時有賜給悉留以獻先公之喪夫人力疾蒞事送
厝所十里不車幾斃馬歲時祭祀寢食必廢主饋未

嘗以涓粒私其子視予妹如兄弟匪有需傾委不
靳與娣妯居無間言入吾耳始封恭人當進縣君皆以
讓吾祖妣宋夫人夫人素多疾天曆二年九月十七
日卒于鄂年三十有四太夫人如失愛女有壬為服
齊衰期焉初先公既棄諸孤幼妹未有家夫人誓言
當盡簪珥奉之以養姑志以恤其無父勿使人謂兄
不如父也嗚呼斯言丁寧猶在吾耳也夫人孝慈敬
勤宜享福祉而壽乃止此邪歸九十七年未嘗遠相
離惟應舉來江南涉十月為最久相從歷九官山川
跋涉貧乏辛苦每同為官任雖劇俸薄食衆夫人衣

師每不給未嘗少動其心予為轉運使祿入稍優而
夫人不及見矣夫人生失五子一女卒後又失一子
予年將半百憂患纏繞夫人有以知我之心為何如
我一子燕山能讀書矣女順茶姆謹視之繼夫人趙
氏子之如已子夫人可無憾矣至順二年六月追封
高陽郡夫人明年月日葬安陽武官原從先塋禮也
為之志曰
惟性于貞胡嗇以齡兮惟孝于姑乃貽以荼兮其儀
可毋子弗覩兮拮据成室不同適兮佳城埋玉夢則
髣髴兮目存耳言終不可謾兮

亡姝趙宜人志

恭定丁卯二月先公尚書府君諱熙載捐館京師既
祔先塋太夫人高氏視諸孤居鄂是歲十二月姝宜
人諱巽貞從其良人翰林國史院編脩官趙彞自洪
州來弔彞官京師宜人疾作不能亟歸有壬為轉運
使揚州太夫人薦於愛母子不能離且以有壬室未
有繼年高目力不洞妍媸宜人亦謂我溷兄父願擇
嫂以報至順卒未遂俱至揚儀得卜趙門趙居金陵
侍太夫人得畢其願焉未幾遽疾五月一日卒于揚
州年三十有六有壬暨弟有儀輟哀治事棺槨之美

衣食之備傾城府官吏士民哀送儀衛之盛太夫人見之割不可忍之愛而亦為之稍釋焉惟許氏為類著姓大父彰德府君諱毅始徙湯陰淳德起家先公仁孝太夫人懿德克生賢女而我祖妣高陽郡夫人宋氏柔靜淳淑貞節著聞宜人及事之起卧與俱故性行尤相類幼不游戲未笄尊稱衣履皆出其手先公太夫人在撫州更疾獨宜人與弟有字侍勞苦備至迄平復始解帶既歸趙太夫人如失左右手事姑安陽郡太君得懽心其客我也念遺養不釋口實簪珥為貲以寄寒暑履物不絕待介婦有禮視前室子說

說自幼及冠人不知為異出適族大口眾老戚獲充雖御稱無異辭先公以宜人質羨輯女教書授之宜人為婦為妻為母舉無悖也曩官七品得封宜人今名曰起官日大宜人宜均其榮而一旦先逝天之忍乃若是邪一手絲絲實生我家得奇疾太夫人屏絕家事盡瘁保育幸愈而健有壬罪大惡總太夫人暨幼妹相繼傾逝逾月癸至哭曰相我者世不復可得矣太夫人常予我我制雖總也同舟至九江以神主暨二子去嗚呼痛哉命果至是邪抑醫藥之誤邪將金陵之行觸新暑起居以致疾邪兄不能盡友愛

而乃以私禍吾妹邪窮天地亘古今之恨萃于一身
矣明年 月 日葬安陽原從其先塋請志之
嗚呼予尚忍志予妹也夫沈痛隕絕書其槩而刻之
擬毀壁

女弟諱安貞生戊申十二月廿九日幼多疾太夫人
高氏疲心殫力調護育成為人寡言笑坐終日不見
喜愠食飲美惡早晏自初不經口先尚書公訓以文
教警悟強記遂通其說又能楷書組繡裳衣各致其
美見諸嫂理家即善控笑父兄祿入悉付之出內無
毫髮失慈訓日益性習俱至故女德近備焉生最晚

太夫人尤篤愛至順辛未春在揚州卜擇始諧柔日
將屆而趙氏姊卒太夫人復遽見棄妹素孝敬值此
荐凶哭出輒殞時又大疫遂成疾十日而卒六月二
十日也明年五月十六日葬安陽武官原先塋皆黃
太史為女弟賦毀壁因抒其意以極吾哀以志其墓
焉

玉在石兮多瑕得維瑜兮成復嘉可聘享兮禮天第
一試兮胡毀旃濟濟羨兮世艱女懿兮亦然撫育兮
既堅姆傳兮既賢歸之易兮才遠擇之過兮後時嗟
嗟父母兮終始難之厥施不奕兮誰復敗而孝故有

素兮母姊長辭時雖不疾兮亦將自摧侍媵在室兮
奮儀夙備留之益傷兮棄復無地江之水兮東流淮
之山兮幽幽旅鴈嗷嗷兮窮猿啾啾汝來何愉兮汝
去何尤恒之水兮先塋相之上兮先里汝靈有位兮
父母孔迺不婦於人兮終女於家是亦汝志兮我徒
爾嗟瓊芝月露兮與汝俱潔汝兄泪盡兮哭汝以血

圭塘

歌行

瑞蓮歌 并序

圭塘落成之明年歲次己丑七月既望吾兄中丞公與

客小集塘西南雙洲前產瑞蓮駢花亭亭異帶同附
殆陰陽和氣鍾為禎祥天以慰老臣錫眉壽而昌子
孫也惟公高科起家致位丞弼贊化機培善類三十
年矣謝事來歸田不足供伏臘而林塘栽植竭力資
之蓋欲靜觀四時生意之妙與造物者遊而積善餘
慶吉事有祥嘉瑞之見理亦宜哉有司欲以 上聞
公退然不居而好事者繪為圖矣有字退而閱史唐
開元至宋紹興四百年間僅十七八見表箋歌頌達
備杏作舞不奏祥瑞乃公素心然游泳至和詠歌太
平不可無也乃為之歌曰

主塘活水分清涸主人嗜好同先賢蓮根培植未踰
歲孰謂一旦生嘉蓮初疑霞臉影附鑑又似絳幘
分髮幻成絲鳳翼自比琢開香玉環仍連李唐以來
具圖表趙宋奏賀尤駢闐我元聖德極涵育瑞應
只許書有年嘗思至正辛巳夏吾兄實握網轄權廣
寒殿下太液池亭亭並蕙薰風前守臣有請願馳獻
獨以義折煩便歸來對此蹄泠水肯將異卉誇里
盧吾鄉自昔號多士諸君巨筆如脩揚僉言此是閭
里榮歌詩倏與圖俱傳身閒意適物乃寓園林何必
皆平泉天公端為表餘慶慶緒日與絲絲絲蓮房有
福壽方如川

涸濱

其二

相攸西郭濱吾涸老病宜退非遺賢平生竊慕君子
德池上種竹池中蓮蓮芳胡獨出奇異聯房葉簇金
絲鬢二妃同體面目異七澤移種根株連善祥史籍
見歷歷走觀士女來闐闐人言培植久方盛一泓顯
連未及年自知不作駭俗事茲焉誰握生發權形容
敢勝周子說胚輝又在太極前亭亭照影欲輕舉愛

波微步俱清便倦游夢不到玉井歸來老屋安一廬
小池偶尔雜蕪葳池上弊亭才數椽酒從鄰貰已多
債詩取意適誰令傳天公特與慰岑寂嘉瑞湧出如
源泉卯君有倡阿買和僮歌况復清且絲欲為表頌
借歸羨柰此嫩痛誰能痊予心真樂更多有傍花隨
柳在前川

圭塘次韻

其三

太行山下溪名洹洹溪主人今得賢石渠分溜入方
沼種出萬柄紅白蓮就中一茄發挺特艷粧雙出雲

髻鬢有如二八降媯的翠裙紅袖相牽連歧分駭目
未信宿里傳以耳何喧闐波神有為獻嘉瑞要並太
史書豐年主人謙德不敢有福善自是天行權亭亭
植立萬花表可人適在亭之前日酣欲語媯轉旋風
動似舞龙輕便一時圖寫溢紈素十日車馬空市廛
昔聞莫羨曾表吳乃因土階與采掾景星鳳鳥豈常
有考信前史真宜傳醴湖蕪塞不復見而今乃濯圭
塘泉瀨祥奕葉正不斷藕絲萬縷相纏絲幽人到此
自怡恍膏肓泉石尤難痊要須紀錄入郡乘千年增
重吾山川

圭塘卜二詠

景延堂

我兄壯歲辭寵筮投閒願與叔堅友異世懷抱若合符
研窮經奧蒙發部勳業寧庸校短長肝膽相照無
前後堂前種竹堂後桑桃李蹊中間官柳太行千仞
列崇臺洹水一枝去小澗烟霞從此聚軒扉松栢自
然生部婁雲霓功餘且歸休天教景物娛耆耆魚躍
鳶飛觀化機高下供纖俱不偶尋春信步過西溪小
憇徐徐開北牖無人敲拙自擘舟有客問奇從載酒

神仙何用叩荒唐天地應須究高厚四時佳興惜
朋一飽安能忘畎畝醉吟自是慕香山人亦有言似
迂叟我兄不答但掀髯風月無邊共長久

冷然臺

有客有客衣禡襪遊不乘輿坐不船屏翳為駕雲為
鞭巽二除道飛廉先廣漠之外無物前飄飄塵覽俯
大千何物九點齊州烟蓬萊瑤境呼群仙天根月窟
互回旋孰其主之孰其傳漆園持論玄復玄機鋒一
發驚四筵扶搖九萬遑息肩夫何句五遊言還我方
簣土臺冷然斥鷃乃與鷗鷗聯有時大醉登其巔義

和叱馭仍留連從容席地更暮天御氣無待知何年
我臺回首真蹄筌

嘉蓮亭

池亭茲落成問客何以為亭名嘉蓮適產池亭下客
笑請以名池亭軒窓面面納新旭並帶作花映波綠
允懷春陵翁曾襟澹水玉從知嗜好有人同因其淨
植淤泥不能辱澹然君子心可與共幽獨駢頭妖嬈
麗穠粧二喬亭午睡初足名亭取義殊聊以自娛目

安石院

景延臺東開隙地方平幽潔墻四周等閑草木盡屏

片巋然中植安石榴花殷猩紅照尔身實作玻璃
清秋風吹絳英任顛倒千葉齊綠中與猶坐塘開院
寄游息對此終日疲應酬偶然不悟命名意競說億
萬蒼生愁酒酣舉手謝衆客願效耆症為身謀區區
若用究根柢論詩當取王荊州明朝有意或酒至
妓又效東山遊

松竹徑

瑟瑟君子竹亭亭大夫松有策可嘗俗無夢思到公
主人不夢更不俗二友相從出幽谷枝筇綉履日往
還飯飽茶餘笑捫腹尋詩爾客不憚煩迂迴恐踐苔

痕綠風來聲似奏笙簧日轉陰宜覆醺醺豈無蒼蓋
凌烟霞愛茲翠葆光交加有時展席俯秋水亦復信
步觀春花最憐盛夏不知暑披覽仍宜雪花舞泣岐
誰更念楊朱開徑吾方希蔣詡歲寒節操堅自持心
事諒匪庸人知柴門反關無俗駕麴生時共相娛嬉
世途憶昔尚艱阻鳥道羊腸何足數歸來總是履康
衢泉石多應聞此語坐要明月與清風綠雲縹緲香
溟濛吾山不比終南峯吾徑直與桃源通

桃李蹊

昔人種桃李往往自成蹊今我植蹊上茂樹隨高低

橐駝獻精藝髡削如條拂根舒深布土瀦溢旋封泥
滋榮藉圭塘分流始涸溪春風倏潛達枯枿呈端倪
風日激怒長及辰花已齊緬懷謫仙人美酒日幾罍
不比黃娘家江畔勞攀躋靜觀悟物理乘興壺亦提
未言念疇昔栽培數難稽榮枯固有時零落何相和
豈如來山中相從養交梨使我顏色好用說舉案齊
挑李雖不言吾蹊勝沙隄夢斷玉珂月鞋襪扶青藜

雙洲

吾聞東海之上有十洲群仙出入洲上頭瑤花琪樹
聚麟鳳不與塵世同春秋吾他不啻滄蹄水孰謂蓬

瀛叔相擬獨憐亦復猶雙洲雲霞業及烟波裏飛橋
子午凌空虛朱闌綠柳陰扶疎亭臺倒影山色好四
顧彌望皆芙蓉渠清風為賓月為友但恨不將此變酒
悅如乘槎泛天河又疑身在無何有從知雲海空復
空仙凡一笑將無同浪遊不必訪弱水人間亦有蓬
萊宮吾儕小人可惜無仙骨由來二洲不是池中物

孤嶼

生平樂山性不為仕止移更愛山在水從人笑吾癡
簞土仍累石鑿泉或開池竭來桑梓間擇勝林塘宜
一泓五畝開孤嶼方丈危圓嶠宛成島神山俄就規

船那時獨泛絃管環相隨突兀螺髻鬢燥爛盤瓊
天心秋月朗水面春風吹蓮開水香且鶴唳霜晴時
撫景恨遲莫觀物知盛衰永作窮日樂孰識徂年悲
憶昔洞庭楚順流彭蠡湄快哉金焦遊密與蓬瀛期
念彼波浪惡理此舟楫歎豈如還鄉榮聊復觀兒娛
求仙付公等濟險真吾師幽棲謝羈絆淹留惜盈虧
鷗鵬自高舉燕雀安能知勿謂池嶼小芥子藏須彌

柳巷

種柳圭塘路行行便向榮雨晴羞眼溢烟煖細眉橫
色比金猶嫩枝看翠易盈林疎無繫馬葉接有啼鶯

線亂柔條長穗鋪落絮平尋詩常獨往送客或同行
歸院塵難到還家月每明止通陶令宅不接亞夫營
京兆時非昔平康夢自驚陽關休疊曲司馬易傷情
但恐春回馭仍將酒解醒託根因勝境由徑得嘉名
莫訝公休吏詩成句未精

菊壇

平生惜花心秋香菊偏好西風催作花晚節霜可傲
綠葉茂長身青幢擎大纛區區盆盪問何足相慰勞
箕土築高壇三級磚以燎維黃鎮中央紅紫間白編
錦繡燦天成栽培盡人巧處士晉風流將軍漢粟姚

茲焉遂盡籍宛若相聘相聘相聘相聘相聘相聘相聘
期以治而安希爾壽而壽得令隨進取俱是昇平調
抱甕學圃人奮礪堅厥操朋游託奇觀風露難徑造
就之酌美酒杯行再申約號今素嚴明遠者大白鵝
孰敢擬其英陋彼東軒嘯蕭蕭景高寒颯颯肯傾倒
儼如虎帳中何緣落烏帽

藥畦

皇元四海同壽域寒子生年值大德養生治病更茫
然弗曉良醫解醫國竭來鄉里營園池園平如砥池
如圭栽花種竹植桃李餘地畝許界為畦于時風日

正清美歲事豐穰足生理林慮山人偶相譔此土此
畦宜種藥便令健僕入西山計品尋苗恣移掇黃精
地黃遠志同歸木蒼白芍藥紅參芝芎及杞菊報
育披霧毋損叢區分類別密培本開渠引水恒憧憧
東君忽尔傳春信生意津津看滿徑有教未能
施地下名公誰與問但存方寸濟生心更別君臣明
至論

蔬圃

有池可汲園可斲拂袖歸來心願足自甘學圃為小
人愛此菜茹蕪首霜元脩雨後馳日使諸葛

凍鍊蘿蔔生兒芥有孫芋魁出水頻澆沃罷鋤時或
釣池魚隱几何曾夢蕉鹿既無抱甕老翁勞亦免趨
炎膏有辱吾嘗寓甲第紛紛厭梁肉吾今且烹葵食
鬱雜莖藪彼紫駝峯出翠釜爭如菘韭侑炊粟五侯
之鯖世所貴五辛之盤吾亦欲膾人皆被富貴熏或
羨吾餐是清福但今此色毋駐顏傳味齧根充我腹
三年不窺漸仲舒吾儕何可輕樊須九月築塲十月
滌連年藉此翰官租

涇濱

祭文

至正七年丁亥月日孝玄孫具官有壬敢昭告于
顯高祖考高祖妣某頃以將辭戚我家廟公道既復
慶事皆明承賜上尊徽赴闕下受翰林承旨知經
筵事聖恩如天豈愚昧自克有為實我高曾遺澤
之所致也尚祈默佑以永後承謹以首月之俸為
潔牲柔毛案盛醴齊之用其守職所縻令弟有儀
攝行祀事尚饗

顯曾祖考

曾祖妣同上

顯祖考

祖妣某竊聞之立身揚名以顯父母惟我
先公恪遵子職能推先德以訓諸孫使積善之報

著于一家可謂顯揚矣而諸孫無似用招外侮先
公之孝於親篤於行者諸孫實累之潛伏三年祗
重怨艾茲承默佑公論大明凡昔游辭盡蒙滄濯
而孫某又膺承旨一品之命聖恩隆厚益深悚懼
陰靈有赫幸永庇之謹以首月之俸為潔牲柔毛
案盛醴齊之用其守職所縻令弟有儀攝行祀事
尚饗

顯考

顯妣比因不肖叨居政府荒墜先訓遂招誣

構辭及我公興言及斯死不瞑目茲荷 朝廷公
論灼知小人之私章疏交上大為別白臺臣敷奏

玉音嘉納於是璿江書院之署額碑祠皆復舊矣
雖與賊戴天不共之讎報復未盡而我家按堵如
故之迹修舉益新日月云適事機有時哀感之忱
昊天罔極其平昔名爵命分皆先公身不自享餘
澤所被凜乎其不勝今茲又忝翰林一命之命才
輕位重罔知所措尚祈默佑以昌後人謹以首月
之俸為潔牲柔毛案盛醴齊之用其守職所廢令
弟有儀攝行祀事尚饗

大兄府君惟兄孝友天至生能訓其弟以九宗沒能
佑我家以禦侮俾前世之厚積未止者萃于某而

某不能如兄之訓諸弟以速戾之躬又及于親自
公論大明凡昔游辭悉皆湔濯四弟又膺承旨一
品之命聖恩隆厚益深悚懼尚祈默佑永庇後承
謹以首月之俸為潔牲柔毛案盛醴齊之用其守
職所廢令弟有儀攝行祀事尚饗

圭塘

三才圖會



